

Туэ сельскохозяйственнэй арлэн йылпум'ян'ёсыз но 1941 арын тулыс ю кизён азелы дасяськонлэн ужпум'ёсыз сярись

Удмуртской АССР-лэн Народной Комиссар'есызлэн Советсылэн но ВКП(б)-лэн Удмуртской Обкомезлэн бюроезлэн пунктэмзы

Удмуртской АССР-лэн Совнаркомез но ВКП(б) Обкомлэн бюроез пус'ё, что «Колхоз'ёслэсь общественной муз'ем'ёссэс тус-тас каронлэсь возман ужрад'ёс сярись» но «Сельскохозяйственной про-дукт'ёсты дасян но басян политикаын воштиськон'ёс сярись» СССР-лэн Совнаркомезлэн но ВКП(б) ЦК-лэн решениоссыя республикаысь тросэз колхоз'ёс 1940 аре сельскохозяйственной уж'ёсты ортчытонын но общественной хозйствоез юнматонын шодскымон азинскон'ёс басьтызы.

Алнашской районысь „1-й май“, Кезской районысь „Луч“, Понинской районысь Ворошиловлэн нимыныз нимама колхоз'ёс но мукет'ёсыз нылетй арзэ ини тысё культураос'я быдэс кизем площадьысьтызы гектарлы быдэ сю пуд'ем урожай басьто, соин Всесоюзной сельскохозяйственной выставкаын участвовать карыны право басьтыса.

Тросэз колхоз'ёс но нимаз-нимаз район'ёс (Алнашской, Можгинской, Базинской, Пычасской) вань сельскохозяйственной уж'ёсты азинлыко орчтытызы но тысё юослэсь выль урожайзэ басьтызы.

Таин Чош ик республикаысь данак район'ёсын (Киясовской, Граховской, Юкаменской) 1940 арын сельскохозяйственной уж'ёс урод орчтытэмын. Республикаысь тросаз колхоз'ёсын „Удмуртской АССР ысь колхоз'ёсын урожайностез азыланьын жутон'я ужрад'ёс сярись“ Удмуртской АССР-лэн Совнаркомезлэн но ВКП(б) Обкомлэн бюроезлэн 1940 арын 7 апреле постановленизы урод быдэс'яське.

Агротехнической ужрад'ёс, тужгес ик етйн'я, бакча сион культураос'я но картофкая агротехнической ужрад'ёс ульй зечлыкэн, тупатэм дыр'ёсты тйяса орчтытсько, нош данак район'ёсын (Ижевск, Завьялово, Кулига) тае агротехнической ужрад'ёс, кычее нуо кизем юослы подкормка, юсс пöлысь жаг турын'ёсты урылан, вредительёсын нюр'яськон, копак сямен оз орчтыт'яське.

Интыысь но минеральной удобренности уже кутон'я ужрад'ёс урод быдэстэмын.

Данак район'ёс (Сарапул, Глазов, Нылга, Дебесс) оз быдэстэ устойчивой урожай-ёслэсь базазэс кыллытон'я туж кулэ луись ужрад'ёс пöлысь

одигэз—1940 аре колхоз'ёсын шонер севооборот'ёсты пыртон планэз.

Тросаз колхоз'ёсын ужез рад'ян али но урод пунктэмын на. Данак колхоз'ёсын тулыс ю кизён азелы кылдытэм комплексной звеноос кизем бере ужамысь дугдызы.

Машинно-тракторной паркутэ арын но уже туж урод кутиськиз, тужгес ик уже урод кугйзы Старо-Зятцинской, Курьинской, Зуринской но мукет МТС-ёс. Та МТС-ёслэн урод ужамзы валэктиське бусы уж'ёс азелы тракторной паркез урод дасямен, трактор'ёслы но сельхозмашинаосл. технической уялтон овёлэн но механизаторской кадр'ёслэн технической дасяськемзылэн ульй урөвененызы.

1940 арын сельскохозяйственной уж'ёсты орчтытонын вань та тырмытэос луэмын Удмуртской АССР-лэн Наркомземезлэн, тросэзлэн райсовет'ёслэн исполком'ёсылэн но ВКП(б) райком'ёслэн сельской хозяйстволэн ужпум'ёсыныз тырмыт кивалтымтэнызы, колхозник'ёслэсь паськыт массаоссэс, трудовой дисциплинаез юнматонэ ляб огазеямен, кадр'ёсты тырмыт воспитывать карымтээн но юнматымтээн.

Совнарком но ВКП(б) Обкомлэн бюроез пункт:

1. Удмуртской АССР-лэсь Наркомземэз, райсовет'ёслэсь исполком'ёссэс но ВКП(б) райком'ёсты косоно 1941 арын тулыс ю кизён азелы дырыз дыр'я но зечлыко кидыс материал дасянэз быдэстыны, со понна:

а) котькуд колхозын вань культураос'я кидыс но страховой фонд'ёсты кисьтон планэз 1940 арын 25 декабрь азелы быдэстоно. 1941 арын 1 январь кидыс но страховой фонд'ёсты кисьтон планлэсь быдэсметэз, соослэсь зечлык'сэс но соосты воземез котькытын-эскерон орчтытоно;

б) колхоз'ёс кустын сортовой кидыс'ё ты воштонэз но колхоз'ёсысь кидыс'ёсты Гос-сортфодлэн кидыс'ёсыныз воштонэз 1941 арын 15 январь азелы быдэстоно;

в) кидыс'ёсты триерен сузя нэз 1 март азелы быдэстоно;

г) вань кидыс'ёслэсь потонзэс кык пол эскероно: нырысетйз—10 январь азелы, кыктэтйз—1 март азелы;

д) чабеез, йыдыез, сезыез но етйнэз протравить карым-

ты кидыс'ёсын кизыны лэзе-но овёл: протравивать карон понна химикат'ёсты колхоз'ёсы ваёнэз 1 февраль азелы быдэстоно;

е) тысё юосы кизён план'я, ичизэ вераса, 15 процентэз яровизировать карем кидыс'ёсын кизёно, картофкаез—100 процентэз ик; бобовой культураослэсь вань кидыс'сэс нирагинизировать кароно.

2. Удмуртской АССР-лэсь нмаркоземэз, райсовет'ёслэсь исполком'ёссэс но ВКП(б) райком'ёсты косоно кыедам муз'ем площадьёсты трослы паськытатын. Со понна тае ужрад'ёсты орчтытоно:

а) колхоз'ёсысь но колхозник'ёслэсь ваньзэ кыедзэс бусыосы поттоно, кыедэз муз'ем уле шонер согоно, солы төланы сётоно овёл;

б) 1941 аре удобрили торф пöтгон но ворггөн план 800 сюрс тонна тулатоно;

в) люкачо но удобрили уже кугоно; пенез, ичизэ вераса, 10 сюрс тонна, тылобурдо кыедэз—1000 тонна, кыедвуэз—50 сюрс тонна;

г) уже паськыг кугоно сидеральной (вож) удобренности, тужгес ик песок муз'ем вылын;

д) колхоз'ёсь минеральной удобренности ваёнэз дырыз дыр'я быдэстоно но соосты уже шонер кугоно.

3. Удмуртской АССР-лэсь Наркомземэз, райсовет'ёслэсь исполком'ёссэс но ВКП(б) райком'ёсты косоно сельхозмашинаосы но трактор'ёсты тупат'я нэз 1941 арын 1 апрель азелы, комбайн'ёсты тупат'я нэз 1 май азелы быдэстыны.

4. Удмуртской АССР-лэн Совнаркомез но ВКП(б) Обкомлэн бюроез вань районной партийной но советской организациослэсь кулэ каро бакча сион'ёсты но картофкаез дун'ямтэз быдтыны, та культураослэсь урожайзэс трослы жутыны. Со понна:

а) бакча сион'ёсты кыедам муз'ем площадьёс вылэ гинэ кизёно но мерттоно, бакча сион'ёслы вис'ям участок'ёс вылэ кыед'ёсты потгонэз 15 март азелы быдэстоно;

б) картофкаез кын уле карем муз'ем вылэ мерттоно;

в) картофкалэсь кидыс но страховой фонд'ёссэ дасянэз 20 декабрь азелы быдэстоно;

г) теплицаосты 1 февраль азелы лэсьтыса быдэстоно, нош парник'ёсты—15 март азелы.

5. Удмуртпотребсоюзэз косоно Удмуртской АССР-лэн Наркомземезлэн заявкаез'я 1 февраль азелы теплицаосты но парник'ёсты лэсьтыны но тупат'яны тырмыт стекло сётыны.

6. Удмуртской АССР-лэсь Госпланэз косоно Ижевской но Завьяловской район'ёсысь колхоз'ёслы тол теплицаосы гур'ес пунктон понна 40 сюрс кирпич вис'яны.

7. „Соргсемовощез“ косоно контрактационной договор'ёс'я бакча сион культураослэсь кидыс'ёссэс дасян планэз 1 январь азелы быдэстыны, таин Чош ик колхозник'ёслэсь трос кидыс дасянэ.

8. Удмуртской АССР-лэн Совнаркомез но ВКП(б) Обкомлэн бюроез Удмуртской АССР-лэн Наркомземезлэсь, райсовет'ёслэн исполком'ёсылэсь но ВКП(б) райком'ёслэсь кулэ каро етйнлэсь урожайзэ трослы жутыны, со понна тае ужрад'ёс орчтытоно:

а) кидыс'ёслэн хозяйственной годностьсы 98 процентлэсь ултй медаз луы, сыче кидыс'ёсын гинэ кизёно;

б) 15 январь вань колхоз'ёсын етйн кизыны участок'ёс вис'яно, солы вис'яно выль-выл'ёсты, клевер кизылым бервылэз но жег кизылым кыедам муз'емез;

в) етйн кизыны вис'ям участок'ёс вылын лымыез жегатон орчтытоно;

г) етйн кизыны вис'ям участок'ёсты ваньзэ кыедамо, со понна уже кугоно минеральной удобренности, гурт, тылобурдо кыедэз, пенез, торфез, фекалийез но мукет'ёссэ.

9. Удмуртской АССР-лэсь Наркомземэз, райсовет'ёслэсь исполком'ёссэс но ВКП(б) райком'ёсты косоно вань колхоз'ёсын комплексной звеноосты кылдыт'я нэз 1941 арын 1 январь азелы быдэстыны. 15 январь азелы котькуд звенолы агротехнической ужрад'ёслэсь планзэс лэсьтоно, со ужрад'ёс вань культураослэсь урожайзэс трослы мед жутозы, та дыр'я нимысьтыз саклык вис'яно етйнлэсь, бакча сион'ёслэсь но картофкалэсь урожайзэс жугонлы.

10. Райсовет'ёслэсь исполком'ёссэс но ВКП(б) райком'ёсты косоно 1941 арын 15 январь „Удмуртской АССР-ысь колхоз'ёсын урожайностез жутон'я ужрад'ёс сярись“ Удмуртской АССР-лэн Совнаркомез (Пумыз 2-ти стр.).

Удмуртской АССР-лэн СНК-езлэн но ВКП(б)-лэн Удмуртской обкомезлэн бюроезлэн постановленизылэн пумыз

наркомезлэн но ВКП(б) Обкомлэн бюроезлэн 1940 арын 7 апреле постанов е-изы котык колхозлы 1941 арлы агротехнической ужраг'ёслэсь планзэс лэв'ытчы. Та ужрад'ёсты, колхозник'ёслэн общ'ей собраниосазы учкем бере, райзолэн старшой агрономез юнматэ.

11. Сельскохозяйственной культураосы будэтонлэсь агротехниказэ т'ям'еслы пумит нюр'яскон но агроном'ёслэсь ответственностьсэс жугон вылысь тупатон, что райзолэн главной агрономезлэн агротехнической указаниосыз вань колхоз'ёс но МТС-ёс понна обязательной луо но соосты воштыны райсовет'ёслэн исполком'ёссы гинэ быгато.

12. Сельской хозяйстволэсь азымынсьёссэ, специалист'ёсты но земельной орган'ёслэсь но МТС-ёслэсь мукет

ужаг'ёссэс поштраг' карон понна кытыгон республиканской „Почетлэсь кыгазэ“ но республиканской „Почетлэсь досказэ“.

13. Совнарком но ВКП(б) обкомлэн бюроез районной советской, партийной но земельной орган'ёслэсь кивалтисьёссэс преупрежлать каро 1940 арын луэм янгыш'ёсты нош ик лэсьтыны лэв'ентэм сярысь но кулэ каро кужмо ужрад'ёс кутыны ю кизён азелы дасясконэз кужмоягыны вылысь, 1941 арын вань культураослэсь вылы урожайёссэс басьгон понна социалистической соревнованиез но стахановской движениез в'олмытыны вылысь, та дыр'я Всесоюзной сельскохозяйственной выставкалэн участник'ёсызлэсь опытсэс паськыт в'олмытыса.

Удмуртской АССР-лэн Совнаркомезлэн председателэз А. ТРОНИН.
ВКП(б)-лэн Удмуртской обкомезлэн секретарез А. ЧЕКИНОВ.
1940 ар, 10 декабрь.

Тулыс кизен азе дасясконэз жегатэ

Кузницалэн урод ужаменыз „Гондырвай“ колхоз кылем арын тулыс кизёнэз сельскохозяйственной инвентарьёсты туж ляб ремонтировать карыса пумигаз. Туэ но кузница кылем арынлэсь п'ортэм уг ужа. Кузнец Вахрушев Александр Матвеевич аслаз профессияныз вормыт'ясыкыны турттыса улэ. Со шуэ „мон ке

ужамысь дугдй тй кузнецтэк кинмоды. Вае мыным трудо-день сяна толэзьлы былэ 5 луд нянь“. Озы Вахрушев рваческой мылкыдэн улэменыз кузницаын но умой-умой уг ужа. Тулыс кизэн азе сельхоз инвентарь ремонтировать карытэк улэ. Рвач'ёслы но лодырьёслы колхозын интылуыны кулэ өв'ол.
П. Е.

Кутсаськон быдэстымтэ ва

Ворошиловлэн нимыныз нима колхозлэн али но кутсаськонэз вань лэ.

Кутсаськонлэн та дырозьлы кыстыськемезлэн мугез луэ бригадир'ёслэн трудэз организовывать карон понна с'юлмаськымтэнызы. Та колхозын али „Горд партизан“ колхозлэн кутсаськон машинаез но тракторез у жа. Со молотилка „Горд партизан“ колхозын

ужакуз нуналлы 12—15 тонна кутса вал, нош Ворошиовлэн нимыныз нима колхозын со машинаос ик нуналлы 2—3 тонна сяна уг кутсало.

Колхозлэн бригадирез Метляков колхозник'ёсты кутсаськонэз быдэстон котыре побольшевиетски организовывать карон инты, со ачиз колхозник'ёсты ужан дорысь жытазе вазь улля.
М. Ильин,

Клуб етин шуккон интылы пормытэмын

„Красное знамя“ колхозлэн клубаз ноябрь толэзэзь сисьмем картопка улэз. Егит'ёс трос пол колхозлэн правлениезлэсь курылызы клубез бушатыны но порядокез пуктыны. Нош правление (председателэз Никитин) егит'ёслэсь куремзэс санэ өз поны.

Сисьмем картопкаез соку гинэ окт'яры, кукэ кулэ луиз колхозлы етин шуккон инты. Али колхозной клуб етин туюэн пурисьтамын. Колхозын егит'ёс трос, соослэн культурной улонзы понна нокин но с'юлмаськись өв'ол.

Корепанов.

Колхоз валэз нурадзыйтэ

10 декабре, ужан нуналэ, Ленинлэн нимыныз нима колхозысь колхозник Бутолин Павел н'омыре валантэм кудзыса воз зег куроен Шаранской МТС-э вуиз но азбаре к'олыны лэзькиз. Колхозной вал нунал лумбыт кыткет

улын сюдытэк но л'юктатэк сыйлэз.
Колхозлэн правлениез Бутолин Павеллэн общественной пудолы с'ыче варварской отношениез понна кулэз'я ужрад'ёс кутоз шуыса оскиськом.
Наговицын.



Черновицкой областын СССР-лэн Верховной Советаз быр'ен кампания.

Снимокын: Чагор селонсь (Черновицкой сельской район) неполно-средней школаэн директорез комсомолка Г. М. Лавренко крестьянкаослы быр'ен кампанилэн кутсконэз сярысь СССР-лэн Верховной Советэзлэн Президиумезлэсь Указзэ лыд'е.

Иностранной телеграммаослы обзор

13—14 декабре германской авиацилэн деятельностьз бад'ым ик ойвал. Американской корреспондент'ёслэн ивортэмяз 15 декабре нуназе германской самолет'ёс Англиязэн территория вылаз одиг бомба нэ өз куштэ. Уйин 16 декабре германской бомбардировщик'ёс атаковать карны Ливерпулез но с'гналэн Центральной но Северной частысьтыз 3 город ёсты.

Английской авиация Германилэн Киль но Бремен город'ёсыз вылэ но немец'ёс ки улысь французской порт'ёс Бордо, Брест но Лориан вылэ налет'ёс лэсьтй. Германской информационной бюролэн ивортэмез'я жытазе 15 декабре к'оняке английской самолет'ёс Берлин вадьсы лыктыны турто вал; зенигной артиллерилэн ыбылэменыз соос асьсэзэс направленизэс воштоно луизы.

Американской корреспондент'ёслэн ивортэмяз Албаниысь фронт'ёсын обстановк'ос тагеч'сь луо: Странлэн юг палаз Тепеленелэн но Клисурлэн районаз ожесточенной бойёс мыно. Кык на палаз ик бад'ымесь ыштон'ёс вань. Тепеленелэн Юго запад палаз грек'ёс адриатической море дуртй Синару портовой город пала мыно. Поградецлэн районаз грек'ёслэн артиллеризы куинь час 40же ыбылэмез бере итальянской укрепленности разрушить кариз. Фронтлэн та участоказ итальянск'й, самолет'ёс греческой п'зидности кулмо бомбардировать каризы. Поградецлэн Северо-запад палаз итальянец'ёс трос кужым ёс люказы.

Западной французской пустыняын английской войскаос итальянц'ёсы

ливийской граница п'ол чигит'язы. Рейгер агенство пус'е, что отсупать карись итальянской дивизиос интылэн урод условиясыныз сэрэн туж килэн мыноно луо.

Английской военной корабльёс но торговой флот итальянской пленнойёсты нуллэн заняг' каремын. Пленнойёслэн лыдзы английской лыдпус'ея 26 сюрс мургылы ляд'ясько.

Французской правительствойн вылэ воштыськон'ёс луизы.

Отставкае потйз Лаваль—премьер министрлэн заместителэз но иностранной уж'ёс'я министр. Иностранной уж'ёс'я министрэ изначить каремын Фланден. Премьер министрлэн заместителэзлэн постэз ликвидировать каремын.

Ассоциэйтед Пресс агенстволэн ивортэмез'я Лаваль должностысьтыз палэнтэмын Париже самостоятельной правительстве кылдытыса Франциез Англилы пумит войнае пыртыны туртэменыз обвинять карыса.

США-ын президентской выбор'ёслэн результат'ёссы опубликовать каремын, кудйз сртч'ятэмын вал 5 ноябре. Ассоциэйтед Пресс агенстволэн ивортэмез'я, голосованиын участвовать каризы США-лэн населениез п'олысь 38 процентэз. США-лэн 131.669 сюрс мург'ем населениез п'олысь голосовать каризы 49.808 сюрс адями. 80.528 сюрс адямиослэн выборын участвовать карыны правзы ке вал, со п'олысь голосовать каризы 62 процентэз.

Кот'якуайзлэсь трос голос басьт'я Рузвельт—США-лэн али президентэз.
(ТАСС).

Отв. редактор Н. ВАХРУШЕВ. Поттись РАЙСОВЕТ.

ТОН ГОЖТ'ИСЬКИД-а НИ „ШАРКАН КОММУНА“

газетэз 1941 арлы басьтыны?
Од на ке, дырты гожкыны! Газетлэн дуныз: толэзьлы 45 копейка, арлы 5 манет но 40 копейка. Арнялы 2 номер потэ.